

傷寒兼症論

傷寒兼症者非傳經六經之正病亦非直中三陰之
正病而實傷寒所恒有之症故皆以兼症名之其間
有見於手經者亦有因誤治而變症者有病中失於
調攝而變症者有病氣相傳染而變症者臨症之工
按法取之曲盡其情則傷寒無餘蘊矣

景金

冬三



北京中医药大学图书馆版权所有
1994

陰症有三說

世人論傷寒輒曰陰症而不知有三說也有傳經之陰症

陰中之熱症也有直中之陰症陰中之寒症也有房室之陰症陰中之虛症也既犯房室而得熱症則灼熱極甚犯房室而得寒症則陰寒極甚熱之甚清劑宜輕寒之甚溫劑宜重斯無弊耳乃世人混稱夾陰而醫家漫不加察反從而和之噫陋矣

直中三陰諸症

直中者初起不由陽經傳入而徑中三陰者也中太陰宜用理中湯中少陰宜用四逆湯中厥陰宜用白通加豬膽汁湯或當歸四逆湯大抵藏受寒侵不溫則殆急投辛熱不可遲緩

附子理中湯 治寒邪中於太陰嘔吐清涎沫腹中冷或下利清穀吐蛔蟲脈來沉細急宜溫之

附子 人參 白朮 乾薑 炙草

寒甚者加乾薑 渴欲得水加人參白芍烏梅

或當臍有動氣去白朮加肉桂 吐多者加薑夏

砂仁 或下多利者倍加白朮 悸者加茯苓宜

倍用 腹滿者去參朮加陳皮半夏砂仁附子吳

萸蓋溫卽是補也

四逆湯 治少陰中寒手足厥冷下利清穀脈沉細

但欲寐

附子 乾薑 炙草

如面赤加葱白 腹痛加白芍 嘔者加生薑

咽痛加桔梗 利止脈不出加人參 小便不利

身重疼痛或咳此爲有水氣去乾薑加白朮茯苓

生薑

白通加猪膽汁湯

治少陰中寒陰盛隔陽熱藥相

拒不入故加寒味以爲熱因寒用之法

附子 乾薑 葱白 人尿 猪膽汁

或加人參

當歸四逆湯

當歸 桂枝 白芍 細辛 甘草 通草

或加吳茱萸 薑棗

理中安虬湯



北京中医药大学图书馆版权所有

人參 白朮 茯苓 乾薑 烏梅 川椒

凡治虵蟲不可用甘甜之味蓋蟲得甘則動苦則
伏得酸則靜故也如未已加黃連黃柏外川椒倍
之若足冷加附子重以溫之以葆脾陽可也

衍義問答十一條

腹中冷痛問曰腹中冷痛何以屬直中寒症答曰寒
氣內攻腹中驟然暴痛手足口鼻俱冷或腹中寒

冷欲得熱物熨之不比傳經腹痛由漸而至也且
寒痛綿綿不止熱痛時作時止也

嘔吐清涎沫問曰嘔吐清涎沫何以是直中寒症答
曰胃府寒熱之氣必見於涎沫經曰諸水渾濁皆
屬於熱諸病水液澄澈清冷皆屬於寒今見嘔吐
清涎沫故知爲直中寒症

下利清穀問曰下利清穀何以是直中寒症答曰寒

邪內侵眞陽衰少無以運行三焦腐化水穀經曰
食下卽化腐臭而出是有火也食下不化完穀而
出是有寒也又曰天寒則水清天熱則水濁今見
下利清穀卽是直中寒症若傳經熱症則下腸垢
而不下利清穀矣又問書云邪熱不殺穀何謂也
答曰邪熱不殺穀者乃火性急速不及變化而出
然必雜于腸垢之中不比直中寒邪穀和清水形

如鴨溲也

但欲寐問曰但欲寐何以是直中寒症答曰寒邪屬陰陰主靜靜則多眠若傳經熱症則屬陽陽主動則令人煩躁不眠也又問曰表症多眠者何也答曰表症多眠寒邪外束陽氣不舒必見頭痛發熱諸症若直中多眠則見下利清穀手足厥冷諸症與表邪自是不同至於傳經裏症則心煩惡熱揭

去衣被甚則譫語發狂安得多眠又問曰熱症亦有昏昏而睡者何也答曰此熱邪傳入心胸令人神昏不語或睡中獨語一二句與之以水則嚥不與則不思此乃熱甚神昏非欲寐也又風溫症風熱相搏亦令神氣昏憤其症鼻鼾語言難出與直中寒邪厥逆清穀諸症迥然大異矣

蹇卧問曰蹇卧何以是直中寒症答曰熱則手足舒

伸寒則手足斂束譬如春夏則萬物發舒秋冬則萬物收藏此定理也又問曰表症亦踈卧何也答曰表症有踈卧者表受寒侵經絡因之斂束法當溫散至於直中踈卧必有厥逆清穀諸症相兼須溫中爲主也又問曰熱症亦踈卧何也答曰此熱邪消燂津液不能榮養於筋致有攣急之象乃肝藏將絕名曰搐搦不得與踈卧同語矣

四肢厥冷問曰四肢厥冷何以是直中寒症答曰四

肢爲陽寒邪屬陰今中寒邪則陽衰不能溫其四

肢故厥冷其甚者過乎肘膝肘膝爲人之四關今

冷過之則陰寒極矣宜大溫之又問曰陽症亦厥

逆何也答曰此物極則反熱極而反見厥也何以

別之凡病初起卽厥者寒厥也初起發熱日久變

厥者熱厥也且熱厥必煩燥口渴惡熱小便短赤

大便或閉或下利腸垢脈必沉實有力寒厥則不
渴必惡寒身痛小便清長或下利清穀脈必沉細
無力安危之機禍如反掌不可不辨

身痛如被杖問曰身痛如被杖何以是直中寒症答
曰寒邪客於人則身痛痛如被杖寒之極甚者也
又問曰表症亦身痛何也答曰表症身痛痛如繩
縛也裏症身痛痛如被杖也雖有表裏之殊而爲

寒則一也宜急溫之表寒則溫散裏寒則溫中寒
氣散痛自除矣

囊縮問曰囊縮何以是直中寒症答曰熱主舒寒主
斂定理也春夏則萬物發舒秋冬則萬物斂藏卽
此視之可見囊縮爲寒矣又問曰書名何以用承
氣治囊縮答曰此傳經厥陰症也傷寒傳至厥陰
六經已盡厥陰者肝也肝主周身之筋又厥陰之

脈絡陰器因熱邪燥其津液筋脈不榮故舌卷而
囊縮其症必口渴煩滿唇焦舌燥與直中陰寒之
症迥然不同耳

舌黑而潤問曰舌黑而潤何以是直中寒症答曰黑
者北方水色也黑而且潤則知其爲寒症矣若傳
經熱邪舌胎先黃而後黑必乾燥而無津液此火
極似水之象譬如燔柴變炭之意乃熱甚也若舌